



Publicaziuns dalla vischnaunca, jamna 34

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2021-1051.000

Vischnaunca Disentis/Mustér, Via Cons 2, 7180 Disentis/Mustér; novas lingias cun stabiliment pil provediment d'aua e novas lingias da canalisaziun, parcella(s) 550 (541, 558, 563, 551 e 1050) Via Clis, 7180 Disentis/Mustér.

Nr. 2021-1052.000

Jacinta Maria Elmiger, Loëstrasse 74, 7000 Chur; sanaziun dalla pegna – niev scaldament cun aria, parcella 3002, Via dils Larischs 4, 7180 Disentis/Mustér.

Nr. 2021-1053.000

Matterhorn Gotthard Bahn, Bahnhofplatz 7, 3900 Brig e Repower AG, Via Santeri 74, 7130 Illanz; sanaziun generala dalla Via Prau e construcziun da novs parcadis, parcellas 1596 e 1598, Via Prau, 7180 Disentis/Mustér.

Disentis/Mustér, ils 27 d'uost 2021

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2021-2076.000

Ernst Vogel, Via Caschuarz 1, 7180 Disentis/Mustér; plazzar ina pintga garascha per velos ord metal, parcella 548, Via Caschuarz 1, 7180 Disentis/Mustér.

Nr. 2021-2077.000

Giachen Casanova-Tönz, Via Mumpé Tujetsch 21, 7186 Segnas; construcziun d'ina lingia per sfundrar auas piarsas, parcella 441/443, Via Mumpé Tujetsch 21, 7186 Segnas.

Nr. 2021-2078.000

Maria e Rolf Eisenegger-Gehring, Cadonastrasse 93, 7000 Chur; remplazzament dallas finiastras e sanaziun dalla cuschina, parcella 2189, Via Crestas 14, 7183 Mumpé Medel.

Nr. 2021-2079.000

Gieri Carigiet, Salviastrasse 10, 7205 Zizers; engrondaziun dil plaz da seser ed allontanament da neofitas, parcella 1155, Via Peisel 25, 7186 Segnas. Disentis/Mustér, ils 27 d'uost 2021

Uffeci da baghegiar Disentis/Mustér



Cussegl da vischnaunca

Il cussegl da vischnaunca seraduna **venderdis, ils 20 d'uost 2021**, allas 19.00 en halla Cons.

Tractandas:

1. Protocols 4- e 5-2021/2024
2. Lescha da baghegiar – Revisiun parziala – Indrezs d'energia (art. 74) (messadi nr. 10-2021/2024)
3. Presentaziun project «Augmentar l'attractivitat dil center dil vitg» e nominaziun da treis cusseglier/-as per la cumissiun speciala (messadi nr. 11-2021/2024)
4. Interpellaziun «dimorants dall'jamna»: Risposta (interpellaziun I1-2021/2024)
5. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Cussegl da vischnaunca

Rapport dalla seduta dils 20 d'uost 2021

Ils gremis politics da Mustér vulan augmentar l'attractivitat dil center dil vitg da Mustér.

Suenter las vacanzas da stad ha giu liug venderdis, ils 20 d'uost 2021 ella halla Cons la sisavla seduta dil cussegl da vischnaunca dalla perioda d'uffeci 2021/2024. Avon la radunonza han ils gremis politics priu investa dalla basa dils Pumpiers Sursassiala a Cuoz. El center dalla seduta ei stau la presentaziun dil project d'augmentar l'attractivitat dil center dil vitg da Mustér. Per quei intent ei vegniu nominau treis cusseglier/-as che vegnan ensemen cun representants dalla suprastonza communal ed en accumpignament d'ina grupp da lavur ad elaborar in clar concept cun in plan concret da mesiras. Il project cuoza in onn e vegn sustenius dalla firma specialisada Metron AG da Brugg. Plinavon ha il cussegl da vischnaunca approbau la revisiun parziala digl art. 74 (indrezs d'energia) dalla lescha da baghegiar. Il cussegl da vischnaunca sut l'egida da siu president **Giusep Lozza** ha approbau unanimamein la revisiun parziala dalla lescha da baghegiar. Igl art. 74 «indrezs d'energia», che datescha digl onn 2008, duei vegnir remplazzaus cun in niev art. 74 che tegn quen al svilup sil sector dalla produenziun d'energias regenerablas (solar e vent). Il conclus dil cussegl da vischnaunca vegn tenor art. 11, al. 1 dalla lescha da baghegiar suttamess alla votaziun dil pievel che vegn prevedentamein ad haver liug ils 28 da november 2021. Sco punct central dalla seduta dil cussegl da vischnaunca ei vegniu presentau dalla suprastonza communal il project d'augmentar l'attractivitat dil center dil vitg da Mustér. La finamira ei da colligiar ils spazis verds (prau Cumin – parcella Hess – plaz verd avon scola) e da nezegiar quels aschi optimalmein sco pusseivel, aschia ch'il center dil vitg vegn pli attractiv per famiglias, affons, giuvenils e per la generaziun 50+. Il center dil vitg duei vegnir rinforzaus cun mesiras concretas. Il project cuoza in onn ed ei definius en treis fasas: analisa e giudicament dalla situaziun actuala, definir las finamiras ed elaborar in clar concept cun priorisar mesiras concretas. Per quei intent ei vegniu formau ina cumissiun speciala che secumpona dil president communal, da dus commembers da suprastonza sco era dil menader infrastruttura sco persuna dil fatg. Plinavon ha il cussegl da vischnaunca nominau ord siu ravugl **Silvia Bucheli-Caduff, Otmar Flepp e Larissa Fry Schuster** ella cumissiun. La cumissiun vegn sustenida d'ina grupp da lavur cun persunas dil fatg da differentas spartas (commerci, cultura, giuventetgna etc.). Quellas persunas duein far ulteriuras ponderaziuns e deponer giavischs ed ideas. Accumpignau e moderau vegn il project entras la firma Metron AG da Brugg. El decuors dalla stad/digl atun 2022 eis ei previu d'informar la populaziun davart il project a caschun d'ina occurrenza publica. Sco davosa tractanda dalla sera ha il cussegl da vischnaunca priu enconuschentscha dalla risposta dalla suprastonza communal sin l'interpellaziun «dimorants dall'jamna», ch'ei vegnida inoltrada la primavera vargada d'entgins representants dil cussegl da vischnaunca.

Suprastonza communal



Serrada vias d'ual muort lavurs da construcziun

Duront il temps da baghegiar ston ils tschancuns dils plazzals da construcziun vegnir serrai pil traffic motorisau. En cass da viadis urgents en favur dall'agricultura san ils pertuccai secunvegnir directamein cugl impressari el liug. Il stan actual davart las restricziuns vegn communicaus silla pagina d'internet www.disentis.ch/strassen. Muort ils plazzals pretensius sa ei dar midadas dallas restricziuns da traffic era a cuorta vesta.

Plaun Menisch: Plaunca Su – Pardi

Da Plaunca Su entochen Pardi resta la via serrada entochen igl atun. Per contonscher ils mises a Plaun Menisch exista la pusseivladad da carrar sur la Val da Segnas. Impressari: Berther Bau und Industrie AG, Ibrahim Bajraktaraj, 079 433 13 10.

Via Run: Truaisch – Plaun Tir

Naven dalla Truaisch entochen la tegia da Plaun Tir ei la via serrada entochen fin october 2021. Igl access sin quei tschancun ei sulettamein pusseivels pil traffic plaun.

Via Cavorgia: Mises las Cavorgias – Camacher – Riada

A Cavorgia ei la via serrada naven dils 16 d'uost 2021. Pil mument ein ils mises a Camacher–Cavorgia Sura pertuccai dallas restricziuns da traffic. Las restricziuns da traffic serestrenschan per regla duront l'jamna. Impressari: Loretz SA, 081 949 18 91

Nus supplichein da prender enconuschientscha da quest avis ed engraziein per la capientscha.

Uffeci forestal Disentis/Mustér

Quitau per la fauna e flora indigena

Curdeims organics san vegnir purtai al center da rimnada a Raveras

Preziadas convischinas e prezias convischins

Adina puspei constatein nus ch'ei vegn dismiss curdeims organics (pastget/puma, fein bletsch, tschespet, cumpost, lenna, restonzas da matgs) e rufids da baghetg sin deponias illegalas (selvadias) agl ur da flums ed uals. Che rufids organics san esser in grond prighel per la fauna e flora locala essan nus magari buca pertscharts. Flurs e jarvas ord curtins ed orts, en special ord il tenercasa, cuntegnan restonzas che derivan da tiaras exoticas. Quellas restonzas ein vegnidas enconuschentas sco neofitas invasivas. Neofitas invasivas surcreschan plantas ed jarvas indigenas e caschunan cheutras gronds donns vid fauna e flora indigena. Perquei s'audan curdeims organics buca sin deponias selvadias, mobein al post da rimnada a Raveras. Exempels da talas jarvas ein la darvena gronda (Riesenbärenklau), l'ambrosia ed il badalestg (japanischer Knöterich). La darvena gronda sa caschunar plagas dolorusas (barschadas) ed il badalestg surcrescha entiras rivas da flums. A caschun da malauras vegn il tschespet allas rivas lavaus vinavon e las ragischs dil badalestg sederasan per liung d'uals e flums per l'entira val. Cheu setracta ei mo d'entginas jarvas che han consequenzas remarcablas per nossa cuntrada. Buca tut quei che crescha e flurescha en casa e curtin ei cumportabel cun nossa natira e cuntrada. Deponias illegalas cunterfan buca mo alla legislaziun davart l'economisaziun dil rumien, mobein caschunan era gronds donns vid fauna e flora indigena.

Nus appellein alla responsablada da vischinas e vischins e supplichein d'observar las ordinaziuns en favur digl ambient.

La vischnaunca dispona d'in bien concept per la rimnada da rumien/rufids da tut gener cun il center da rimnada a Raveras.

Nus supplichein da far diever da quella pusseivladad.

Fegl sgulont cun informaziuns:

Proximamein retscheivan las casadas in fegl sgulont cun informaziuns en connex cul center da rimnada a Raveras. Las informaziuns ein era indicadas sin la pagina d'internet www.disentis.ch.



Suprastonza communal

Uniun samaritana Mustér

Cuors BLS-AED-SRC cumplet

L'Uniun samaritana Mustér organisescha in cuors da reanimaziun BLS-AED-SRC cumplet. (Reanimaziun cun applicaziun dil defibrilatur automatic)

Per tgi: in e scadin che ha interess

Datum: **sonda, ils 4 da settember 2021**

Uras: 8.00–12.15 / Liug: Casa da scola, Mustér

Annunzias: Ein da far entochen ils 31 d'uost 2021.

Martina Giger, tel: 079 299 36 13 (era per sclariment e per repetiziuns BLS-AED)

e-mail: martina.casanova@gmx.ch

Vernissascha cun aperitiv dalla sculptura vid il begl a Cuoz

Venderdis, ils 27-8-2021 allas 17.30

2008 han la chericra Marlis Radebold (Berlin) ed il plasticher da fier Boguslaw Gabrys (Krakau) creau enteifer il project fontAUnAviva. La sculptura «Cascada» vid il begl a Cuoz. Scheltira e vent han destruiu en paucs onns las plattinas. Ussa ha Fis Guldemann da Trun renovau l'installaziun sebasond sigl original. La festivatad vegn enramada musicalmein da Theres Burri e Richard Gadola. En cass da malaura ei la vernissascha ella halla dils pumpiers Sursassiala.

Cordialmein envidan ils iniziants:

Monique Huonder-Schnetzler e Roland Just;
Corporaziun d'aua Spina da Vin e Fis Guldiman

Gruppa da gimnastica senioras

La pausa da stad e finida. Nus entschevein frestgamein cun la gimnastica **ils 3 da settember 2021**, mintga venderdis, 13.30–14.30 ella halla Cons.

Cordialmein envidein nus nossas commembras. Tgi enconuscha buca nossa gruppa? Sche ti has plascher dalla gimnastica, neu e fai ina viseta nunligionta tier nus.

Sclariment per tel. 081 947 56 43 / 081 947 63 01 / 081 947 53 32.

Ad in bien seveser

Las menadras

Uniun da gimnastica da dunnas Mustér

Nus entschevin puspei cun nossas uras da fitness **ils 2 da settember 2021**: Yogafit / Skifit / Gym-Bodyforming / Line Dance. Mintga jamna, gievgia, allas 19.30 el center Fontauna, Mustér.

Frauenturnverein Disentis

Wir beginnen **am 2. September 2021** wieder mit unseren Fitness-Lektionen: Yogafit / Skifit / Gym-Bodyforming / Line Dance. Wöchentlich am Donnerstag, um 19.30 Uhr im Center Fontauna Disentis.

e-mail: martina.casanova@gmx.ch

